

Того же събора правило 18. Непредѣткновенни бывайте и внешним глаголетъ божественый апостол, женам же пребывати в епископиях или в монастырех всякого преткновения вина есть. Аще убо кто рабыню или свободну в епископии имея обрящется или в монастыри на послужение потребы некоеа, да запретится, пребываяже в том же да извержется. Аще же прилучится и в приградии женам быти и похощеть епископ или игумен тамо путь творити, бывающу же тамо епископу или игумену^п ||, да никако обычая служебна да сътворитъ жена в то время, но да отидеть в ино место, дондеже отшествие сътворитъ епископ зазора ради. Услышав же, яко же видится святии отци, что по епископиях и монастырех живутъ жены, реша, яко зане великий апостол Павел к коринфом посылая повеле непреткновенним быти нам, не токмо внутреним, но и внешним, сиречь не токмо верным, но и неверным, съжительствовати же епископом с женами или игуменом в монастырех или во епископиях, всякого претвкновения есть виновно, и поношения не мала церковнаго уставления длѣжни суть. Подобають запрещатися таковое что творити, хотящеи пребывающем же

л. 523 об.

л. 524

л. 524 об.

в том же, да изве^п||ргутся, яко же некоему глаголавшу неразумно быти, яко да накажутся тии, иже некоем прилучаем снидутся с женами, прилучает бо ся некоему от них мимохождениемъ гостиньствовати в приградии некоем жены имущем, а епископ или игумен не может отслати съединения их, повелеша аще прилучится сие, никако служити женам бывающу ту епископу или игумену, но вместо ино отити женам и почити, донде же они отидут, послужению же их быти от мужей, сице бо не зазорно, сиречь несъблазнено от тех съблюдется, или же аще обратно в епископии или в монастыри с женами не съжительствуютъ, но и во ином обитание прощение ли дасться им. Ответ ||: сие правила убо, яко же многажды рехом, и 57 глава пръвья грани третья книги царствъ заповедуютъ освященному некоему с зазорною женою не съжительствовати кроме матери и дщери и сестры и иных незазорных лиц. 50 же 7 глава тоя грани, часть сущая, 137-го Устинианова уставления глаголетъ сна яве: епископу же никоева отнудъ жены имети или с нею обитати попущаем, аще же объявится сие творя да извержетися от епископства. Аще убо епископ просто съобитая с женою с какою где нибуди извержется, множае паче иже в епископии таково нечто сътворит, скоро да извержется, яко же мне видится без всякого разсуждения.

л. 525

Но 15 глава первьья грани, четвертыя книги ца||рствъ запрещает не токмо пребыти жене в монастыре мужьском, или обратно, но ни отнудъ внити в него коеа ради потребы. Смотри же правила, глаголющее, яко ни рабы ни свободная с епископом или игуменом съжительствовати коеа ради вины не подобает, но яже речена суть о женах, бывающих в монастырех, просте разумеются, в приградиих властию пристоящих епископии или монастырех, аще бо они гостиньствовати будутъ в гостиницах или в чюжих приградии немощно есть, яко же мню, заповедь правила съблюсти. ^с

^п На нижнем поле л. 523 киноварью написано о сем же. ^р На нижнем поле л. 523 об. киноварью написано три поучения. ^с На боковом и нижнем полях л. 525 киноварью написано примечание: Из бытти в Паремее в четверг на вечерне в Федоровой недели пишет: Сътвори бог траву селную и звери селныя. И паки в псалме 103-м: Посреди гор пройдут воды, напоют вся звери селныя. Сие зриши в бытти в начала: Где еще толвы села были с людьми, бог бо повелеша тогда еще люде питати травною сеное и зверми и скоты. Понеже село толкуется общее имя в Евангелие в толковом, в Матфее в зачале 51-м, 52-м, 53-м, 55-м, 59-м, 95-м, 102-м, 111-м: село, скуделнице, сиречь, место. И паки в Луце зачало 66, 79, 84-м. О сем же едино бо толкуется: село, и нива, и пашни, и пожни, и место, и мир, и яже суть в мире.